

Bengkel Perancangan STRATEGIK PPKAS 2007

Oleh: Nor Innar Md. Nor
Pegawai Tadbir



Program Bengkel Perancangan Strategik PPKAS telah dijayakan pada 5 dan 6 Januari 2007 bertempat di Bilik Seminar PPKAS. Bengkel ini telah dihadiri oleh semua wargakerja akademik, pentadbiran dan sokongan PPKAS seramai 22 orang. Bengkel tahunan ini merupakan program wajib pusat-pusat pengajian di UniMAP. Ini merupakan kali pertama PPKAS menganjurkan bengkel sedemikian memandangkan baru genap setahun penubuhannya. Objektif bengkel perancangan strategik ini membolehkan semua wargakerja PPKAS duduk semeja berbincang sumbangseran serta mencari idea halatuju pusat pengajian. Program hujung minggu ini telah dipengerusikan oleh Dekan PPKAS, Dr. Khairul Nizar Ismail.

Program ini telah dimulakan dengan ucapan bengkel yang telah disampaikan oleh Dekan PPKAS. Ini disusuli dengan taklimat Outcome

Based Education (OBE) oleh penceramah jemputan, Encik Mohd Zahiruddin Mohd Zain yang merupakan Timbalan Dekan (Akademik & Penyelidikan) di PPK Pembuatan. Para peserta bengkel seterusnya telah dibahagikan kepada kumpulan-kumpulan kecil yang telah dipertanggungjawab merangka balanced scorecard mengikut bidang tanggungjawab masing-masing. Hasil perbincangan kemudiannya telah dibentangkan pada hari terakhir bengkel untuk penambahbaikan dan dipersetujui pelaksanaannya secara kolektif. Bengkel yang telah berjalan dengan lancar ini telah berjaya mencapai sasaran objektifnya berkat komitmen yang jitu diberikan oleh para peserta.

